

# تورک

## قانون تجارت

### ضابطه اجرای آن

طقسان یدنجی اجتماع

۷ شباط ۱۳۴۰ پنجمین



#### مدرجات

صفحه	موضوع	صفحه	موضوع
۷۰۲	تکلیف قانونی وشایان مذاکره اولدیفته دائر لایحه انجمنی مضطه سی	۷۰۰	۱ - ضبط مابوق ضابطه سی
۷۰۲	۵ - باطین آغزنده تراکم ایدن قوملرک مالاراسی ایچون نافعه بودجه سنه قرق بیک لیراتخصیصات وضعی حقنده زوانغولداق مبعوثی یوسف ضیابک ورفقاسنک	۷۰۱	۲ - اوراق وارده : لایحل
۷۰۲	۲ ۲۸۱ - نومرولی تکلیف قانونی وشایان مذاکره اولدیفته دائر لایحه انجمنی مضطه سی	۷۰۱	۱ - مدافعه ملیه وکالتنک ۱۳۳۹ سنه سی خدمات عمومی سی ایچون صرفه مأذونیت ویرلش اولان ۴۷,۷۵۱,۲۲۴ لیرا یکرمی بش غروشلق تخصیصاته ضمیمه دهه ۲,۶۶۰,۰۰۰ لیرانک آوانس اولهرق صرفته متدائر باش وکالتدن مورود قانون لایحه سی
۷۰۲	۶ - ۱۹ تشرین ثانی ۳۳۷ تاریخ و ۱۶۶ نومرولی قانونک برنجی و ایکنجی ماده لرینک تمدیلی حقنده ریزه مبعوثی اکرم بکک ۲/۲۸۴ نومرولی تکلیف قانونی وشایان مذاکره اولدیفته دائر لایحه انجمنی مضطه سی	۷۰۱	۲ - معادن مدیریت عمومی سنک اقتصاد وکالتندن نافعه وکالتنه دور اولمسنه دائر ادرنه مبعوثی حسین رفقی بکک تکلیف قانونی
۷۰۲	۷ - شریعه وکالتندن مصدق اجازت نامه یه مالک اولیانا لیرک علمی کسوه بی لابس اولاملری حقنده سعرد مبعوثی خلیل خلقی افندی نیک ۲/۲۸۴ نومرولی تکلیف قانونی وشایان مذاکره اولدیفته دائر لایحه انجمنی مضطه سی	۷۰۱	۳ - منع مسکرات قانونی موجبجه تورکیه خارجه جیقارلق اوزره ادخار ایداش اولان مسکرات وشراب لک تأخیر احماسی حقنده ادرنه مبعوثی فاتق و تنگفور طاغی مبعوثی جیل بکک تکلیف قانونی مضطه لر
۷۰۲	۸ - بالمعوم جرائم اربانک هفوی حقنده سعرد مبعوثی خلیل خلقی افندی نیک ۲/۲۷۷ نومرولی تکلیف قانونی وشایان مذاکره اولدیفته دائر لایحه انجمنی مضطه سی	۷۰۱	۴ - بیع بالوفا ویا خود رهن و تأمینات اراشه سی صورتیه اموال غیر منقوله اوزرینه وقوعبولان اقراض واستقراض معامله لرینک اوچ سنه مدته تأجیلی حقنده انطایه مبعوثی احمد ساقی بک ورفقاسنک ۲/۲۷۹ نومرولی
۷۰۲	۹ - مدافعه مملکت اوغزنده ایقاع ایدلش اولان افعال و حرکاتک جرم عد اولنیه جتی حقنده کی		

۱۹ تشرین ثانی ۱۳۳۹ تاریخلی قانونک برنجی ماده سنک  
تفسیرینه دژباش وکالتدن مورود ۱۹۹ نومرولی تذکره  
وعدلیه انجمنی مضبوطه سی [انجمن طرفندن مستعجلیت تکلیفی  
وارد]

۷۰۴

۱۰ — راقی قتلندن محکوم اینه بولالی بایرام اوغلی  
اسماعیل حقنده اعطا ایدیلن حکومه خطای عدلی وابع  
اولدیغندن عفو صورتیه تلافیسنه دائر باش وکالتدن مورود  
۳/۳ نومرولی تذکره و عدلیه انجمنی مضبوطه سی

۷۰۴

۱۱ — بعض محلارده حاکم مجتمع تشکلاتنک  
اعاده سنه و بعض محاکمک انورینه دائر باش وکالتدن مورود

۷۰۴

۳۸۴/۱ نومرولی قانون لایحه سی و عدلیه انجمنی مضبوطه سی  
۱۲ — شاه اسماعیل کیفیت قتلندن محکوم همان  
غازی نوره مکتبی معلم سابق شوکت امضالی استدعا  
وتعیین معامله یه محل اولدیغنه دائر عدلیه انجمنی مضبوطه سی  
تذکره لر

۷۰۵

۱۳ — تقاعد قانونک نسریدن اول ویلیری وفات  
ایدن مأمورین ملکیه اولاد لرندن ، قانونک نسریدن  
صوکره معاش تخصیصی ایچون مراجعت ایدنلر حقنده  
نه بولده معامله ایدیله جنک تک تفسیرینه دائر باش وکالتدن  
مورود تذکره

۷۰۵

تقریر لر  
۱۴ — مکلفین دیوننک تحصیلات دفترلنده  
مفرد ایله کوسترلسنه دائر بوردور مبعوثی حسین باقی  
بکک تقریری

۷۰۵

۱۵ — دیوان محاسباتک هر اوج آیده بر تنظیم  
ایده جکی راپورلری تدقیق ایتک اوزره نظامنامه  
داخلینک ۸۹ نجی ماده سی موجینجه تشکیلی لازم کلن  
دیوان محاسبات انجمننک تشکیلی و بوبایده کی راپورلری  
تدقیق و همت عمومیه یه بیلد بر می حقنده دکزلی مبعوثی  
مظهر مفید بکک تقریری

۷۰۶

۱۶ — یلاموطلق - ایلدجه لکتیریکی ده قوویل  
خطی امتیاز اوراقتک مجلسه جایی حقنده قره سی مبعوثی  
وهی بکک تقریری

۷۰۶

۱۷ — منع مسکرات قانونی موجینجه تورکیه  
خارجنه حیقارلمق اوزره ادخار ایدلش اولان مسکرات  
و شرابلرک تأخیر اجماسی حقنده ادرنه مبعوثی قانق بک  
ورقاسنک تقریری

۷۰۷

رأی استحصالی

۱۸ — ملی مجاهد آیده شهید اولان ملی افراد  
وضابطان عالیله رینه نظامیه قطعاً تنده کی شهید و معلوللر  
حقنده کی قوانین و نظاماتک تطبیغنه متدائر قانونک ایکنجی  
دفعه رأیه وضعی

۷۰۸

سؤالر

۱۹ — مختلط مبادله هیئتنده کی مرخصلر سزک  
مساعیسنه و غربی ما کدونیا ده اهالی اسلامیه یه روا  
کوربان مظاره دائر دکزلی مبعوثی مظهر مفید بکک  
مبادله ، اعمار و اسکان وکالتدن شفاهی سؤال تقریری

۷۰۱

برنجی جلسه

برائ مذاکرات

دقیقه ساعت

۲ ۲۵

[ رئیس — فتحی بک ]

کاتبلر : روشن اشرف بک ( آفیون قره حصار ) ، کمال بک ( آطنه )

۱ — ضبط سابقه مخصوصه سی :

وئیس — جلسه یی آچیورم اقدم ، ضبط سابق خلاصه سی اوقونه جقدر :

طقسان آلتنجی اجتماع

۶ شباط ۱۳۴۰ چهارشنبه

بالانعداد ضبط سابق خلاصه سی قرائت و عیناً قبول

و اوراق وارده عائد اولدقلری محلاره حواله ایدلدی .

برنجی جلسه

ایکنجی رئیس وکیلی عصمت بکک تحت ریاستلرنده

روزنامه نك اون طقوزنجی ماده سنی تشکیل ایدن ۱۸ تشرین اول ۳۳۹ تاریخلی فراری وبقایا قانوننك برنجی ماده سنه متعلق عدلیه انجمننك تفسیر مضبوطه سنك مستجلاً مذاکره سنه دأر بوزاق مبعوثی احمد حمدی بلك تفریری قرائت و قبول اولندی .

روزنامه نك ۱۸ نجی ماده سنی اشغال ایدن اغنام رسمنك صورت تحصیل حقنده کی تکلیف قانونیلر ، وقوع بولان طاب و تکلیف اوزرینه مستجبل روزنامه یه آلدی .

اردو منسوبیندن اولونده حرکات ملیه یه اشتراك ایتمینلر حقنده تطبیق ایدیله جك مقرراتك اكمال ایدیلوب ایدلمدیکنه دأر جبل برکت مبعوثی عونی بلك سؤالنه مدافعه ملیه وکیلی کاظم پاشانك ، بالیه - قره آیدین قومپانیه سی طرفیندن پلاموطلقدن ساحله تمدید ایدیلان ده قووویل خطنه دأر قره سی مبعوثی محمدوهی ، واستانبولده وقوعه کلن تراموای قضالریله شرکتلرده تورک مأمورلر استخدا منه دأر استانبول مبعوثی علی رضا بکارک سؤاللرینه نافع وکیلی سلیمان سری بلك ویردکلری جوابلر استماع ایدلدی . بعده ریزه ولایتده قندق ، پورتقال ، لیمون ماندارینا ، چای و دوت یتششیرلسی حقنده کی لایحه قانونیه نك بقیه مذاکره سنه کچیلدی .

انجمنندن تعدیلاً کن بئشنجی و آلتنجی ماده لر مذاکره ایدیله رک بئشنجی ماده تعدیلاً قبول و آلتنجی ماده طی ایدلدی . قانون لایحه سنك متعاقب ماده لرینك نومرولری یوگا کوره تصحیح و تنفس ایچون جلسه تعطیل اولندی .

ایکنجی جلسه

عصمت بك طرفین کیشاد و ریزه ولایتده اشجار نافع یتششیرلسی حقنده کی لایحه قانونیه نك مذاکره سنه دوام اولونه رق آلتنجی ماده عیناً ویدنجی ماده تعدیلاً و قانوننك هیئت عمومی سی ( ۱۳۹ ) رأی ایله قبول ایدلدی . بعده ملی مجاهدده شهید اولان کوکلی و قوای ملیه افراد وضابطان عالیه لرینه تخصیص قیلنه جق معاش حقنده کی قانون لایحه سنك مذاکره سنه ابتدار اولندی . هیئت عمومی سی

حقنده کی مذاکره کافی کوربله رک ماده لرک مذاکره سنه کچیلدی و بوتون ماده لر عیناً قبول و قانوننك هیئت عمومی سی تعیین اسامی ایله رأیه وضع ایدلدی . تصنیف آرا نتیجه سنده نصاب حاصل اولدینقی آکلاشسیله رق پنچشنبه کونی اجتماع ایدلمك اوزره جلسه یه نهایت ویرلدی .

سؤاللر

۱۹ - محتاط مبادله هیئتنده کی مرخصلر منك مساعیده و غربی ما کدونیاده کی اهالی اسلامیه یه روا کوریلن مطالبه دأر دکزلی مبعوثی مظهر مفید بلك شفاهی سؤال تفریری ، مبادله ، اعمار واسکان و کالته حواله ایدلمشدر .

رئیس - ضبط سابق حقنده بر اعتراض واری اقدم ؟

ناجی بك ( العزیز ) - اودوندر اقدم ؛ توتون دکل .

رئیس - بوضورتله تصحیح اولونا جق . باشقه بر

اعتراضکنز واری ؟ ضبط سابق خلاصه سی تعدیلاً قبول ایدلدی .

۲ - اوراق وارده :

لایحهلر

۱ - مدافعه ملیه و کالته ۱۳۳۹ سنه سی خدمات عمومی سی

ایچون صرفه مأذونیت ویرلمش اولان ۴۷،۷۵۱،۲۲۴

لیرایکرمی بش غرو شلق تخصیصاته نسیمه ۲،۶۶۰،۰۰۰

لیرانك آوانس اوله رق صرفه متدأر باش و کالته دن مورود

قانون لایحه سی ، موازنه مالیه انجمننه ویرلدی .

تکلیفلر

۲ - معادن مدیریت عمومی سنك اقتصاد و کالته دن

نافعه و کالته دور اولنسنه دأر ادرنه مبعوثی حسین رفقی

بلك تکلیف قانونی سی ، لایحه انجمننه ؛

۳ - منع مسکرات قانونی موجبجه تورکیه خارجه

چیقارلق اوزره ادخال ایدلمش اولان مسکرات و شرابلرک

تأخیر محاسی حقنده ادرنه مبعوثی فائق و تکفور طاغ

مبعوثی جمیل بکارک تکلیف قانونی سی ، لایحه انجمننه

ویرلدی .

م. بطالع

۴ — بیع بالوفا و یا خود رهن و تأمینات اراضی صورتیله اموال غیر منقوله اوزرینه وقوعولان افراض و استقراض معامله لرینک اوج سنه مدله تأجیلی حقنده آنطالیه مبعوثی احمد ساقی بک و رفقاسنک  $\frac{2}{778}$  نومرولی تکلیف قانونیسی وشایان مذاکره اولدیغنه دائر لایحه انجمنی مضبطه سی ، اقتصاد و عدلیه انجمنلرینه ؛

۵ — بارطین آغزنده تراکم ایدن قوملرک طارائماسی ایچون نافعہ بودجه سنه قرق بیک لیرا تخصیصات وضعی حقنده زونقولداق مبعوثی یوسف ضیا بک و رفقاسنک  $\frac{2}{281}$  نومرولی تکلیف قانونیسی وشایان مذاکره اولدیغنه دائر لایحه انجمنی مضبطه سی نافعہ و موازنه مالیه انجمنلرینه ؛

۶ — ۱۹ تشرین نانی ۳۳۷ تاریخ ۱۶۶ نومرولو قانونک برنجی و ایکنجی ماده لرینک تعدیلی حقنده ریزه مبعوثی اکرم بکک  $\frac{2}{384}$  نومرولو تکلیف قانونیسی وشایان مذاکره اولدیغنه دائر لایحه انجمنی مضبطه سی ، مدافعه ملیه وقوانین مالیه انجمنلرینه ؛

۷ — شرعیه وکالتدن مصدق اجازتنامه به مالک اولیانلرک علمی کسوه بی لایس اولاملری حقنده سعرد مبعوثی خلیل خلقی افندینک  $\frac{2}{282}$  نومرولو تکلیف قانونیسی وشایان مذاکره اولدیغنه دائر لایحه انجمنی مضبطه سی ، شرعیه انجمننه حواله ایدلی .

۸ — بالعموم جرائم اربابنک عفوی حقنده سعرد مبعوثی خلیل خلقی افندینک  $\frac{2}{277}$  نومرولو تکلیف قانونیسی وشایان مذاکره اولمادیغنه دائر لایحه انجمنی مضبطه سی .

ریاست جلیله به

محیط اجتماعینک کافه سنه عام وشامل فقط عفوک محدود دائره سندن استفاده ایدمه من بر چوق موقوف حقیقته معصوم انسانلردن داعیکز کبی هیچ شبهه ایتمورم که دیگر آرقداشلمده برچوق خطاب وعتاب قارشوسنده در . عدلیه نک بوکونکی قانونلری مراسمندن بلاسبب ایکنین بر کتله نک عفوی خصوصنده لهدارلرک مطالعاتی

تمنی شفقندن زیاده محیط اجتماعیمزده کی حالت در حیه نک حکایه سندن وتمامله بر سکون واستقرار تأمیندن عبارت ایدی . هله محیط اجتماعیمزده کی حد خانلرک وضعی صدنده ومتکون دعوالر اوزرنده سویلنه حک سوزلرک نظر قانوننده اولسه بیله وجدانیات قارشوسنده حکایه سندن بیله اوربرمه مک قابل دکلدر . بر چوق اسبابه بناء محیط اجتماعیمزده حتی هیچ برتأثیر ومنفعت تأمین ایدمه من عفوعمومینک دهام عام وشامل بر شکله افراغی ایچون بروجه آتی مواد قانونیه نک قبولی تکلیف ایدرم .

۳۱ کانون نانی ۳۴۰

سعرد مبعوثی

خلیل خلقی

ماده ۱ — موقوف ، محکوم و مظنون بالعموم جرائم اربابی عفو ایدلشددر .

ماده ۲ — حال فرارده بولنوبده اوج آی طرفنده استیجان ایدنلرده اشبو عفودن مستقیم اولورلر .

ماده ۳ — خیانت وطنیه مجرملری اشبو عفودن مستقیم اوله ماز .

ماده ۴ — تاریخ نشرنندن مرعی اولان اشبو قانونک اجرای احکامنه داخلیه و عدلیه و کیلیری مأموردر .

ریاست جلیله به

مختلف زمانلرده اشکال متنوعده اصحاب جرائم حقننده مجلس عالیجه عفو قانونلری اصدار ایدلیکی جهتله سعرد مبعوثی خلیل خلقی افندی طرفندن معطی تکلیف قانونینک فی الحال شایان مذاکره اولدیغنه متفقاً قرار ویرلدی .

کاتب	مضبطه محرری	لایحه انجمنی ریسی
دکترلی	آنطالیه	نامنه
نجیب علی	احمد ساقی	احمد ساقی

اعضا	اعضا	اعضا
عبدالرزاک	ماردین	بایزید
عبدالرزاک	شفیق	کمال

سلیمان سری بک ( بوزاق ) — اول امرده لایحه

انجمنك مضبوطه سی رایه قونسون . لایحه انجمنك ردی قبول ایدیلیرسه سوز سویلنه من : اکر رده ردایدیلیرده تکلیف قانونی و موضوع بحث اولورسه او زمان مذاکره اولور .

رئیس — افندم ! رد حقنده سوز ایسته یورلر . مصطفی بك علیده سویلیه جك . مصطفی افندی ( قونیه ) — سویله سون که مجلس تنور ایتسین .

عثمان قدری بك ( موش ) — مجلس عالی ، عفو عمومی قانونی قبول ایتدیکی زمانلرده او قانون بر اکثریتك قرارینه اقرارن ایتدیکی ایچون البته دهها مصیب بر قرار اولدیغی قبول ایتمش و بو صورتله قانع اولمشدی . سعرد مبعوث فاضلی خلیل خلقی افندی حضرتلرینك شو تکلیفی محیطم حقنده اونه نبری یوره کده قاسانان بر آرزوی اظهاره سبب اولدی . بوندن طولانی کندوسنه بالخاصه تشکر ایدرکن مجلس عالیکزه شونی عرض و احترام ایدیورمه که محیط اجتماعین همان هیئت عمومیه سیله عرض ایده بیلمرکه عشیرت تشکیلاتنه مستنددر . بالخاصه موشده ، صامسون ، بتایسده ، موطنکی ، سعردده نره ، پرواری غرزان ، وانده بیت اشباب ، که وهر ، چو و طه مریک قضالری که عشیرت تشکیلاتنک یکانه مرکز لیدر . سزه بك غریب بر حال عرض ایدیم . سعرد داخلنده تللو نامنده بر قریه وارددر . بو قریه ده هائلوی بر اختلاف دولایسیله تگون ایدن بر دعوی عالی او قدر غریب ، او قدر مزمن بر وضعیت آلمشدر که بوتون محیطمزی تأثرلره ، المله غرق اتمشدر . عدلیه بو مسئله یه وضع بد ایدرکن تحقیقاتی آره سنه [ سعردده متصرفقده بولومش اولان منیب بك افندی ده بیلیرلرکه ] وانده ، بریسی حکاری ده دیگر بریسی ادخال ادرک محکوم ایدیور . سلمان سری بك ( بوزاق ) — مذاکره ایدیله جك ایسه سوز ایسترز .

سنه یه محکوم اتمشدر . قادیلر ، کلینلر سیله محکوم ایدلمشدر . ایسته بو محیطده کی عشیرت تشکیلاتی ایله تگون ایده جك دعوالر بر جوق اشخاصك محکومیتله نتیجه لیر ، بنده کنر ایشیدییورم که داخله وکاتی دیار بکردن ، بتایسدن وبالخاصه بنم دائرة انتخابیه مدن ، سعرددن دفتر لرا لیور سکیز بیک محکوم دیار بکرده بولونیور ؛ یوناصل ایشدر ؛ بونك احتمالی یوقدر ، سکیز یوز یا خود بیک ، ایکی بیک اورفده بولونیور ، درت بیک ، بش بیک سعردده بولونیور . بو محکومیتلرک اساسی شخصی اغراضه ؛ بو شکله عشیرت حسنه استناد ایدرک بر چوقلری علاقه دار کوستریلیور . غیاباً محکوم ایدیلیرور .

حکومت ده بولنری تعقیب ایدرکن خانمانلری سوندورولور . بومملکت ، بو انسانلره حداً یازیق اولیور ، دهها بش کون اول بر عفو عمومی قبول ایدلرکن صوکره مجلس عالی ایکنجه بر عفو عمومی بی دهها وره جکنی امید ایتبوردم . لایحه انجمنك مضبوطه سیله بالطبع محق بولیورم . فقط مجلس عالی به شونی ده عرض ایدرم که بزم محیطمزک حالی شودر . اورالرده بالخاصه والیدلکه ، متصرفقده بولونمش اولان مصطفی عبدالحق بك افندی ده محیطک بو حاله پک اعلا واقدر . اورالرده محکمه ریاستنده بولونمش اولان فقط ( کمال شکرانله یوزینه قارشى سویلرم که ) رشوت یه بهرک جرأته بر جوق شاهد زور شاهد اغراض توقیف ایتمش بولنان بازید مبعوث شفیق بکی ده اشهاد ایدرم نه حاجت ؛ محیطمزده بولونمش اولان ذواتده اینی بیلیرلرکه مملکت مزده کی احوال عدلیه شو مرکزده در . بو حقیقتی کمال تأثرله سویلیورم .

منع شقاوت قانونی بومسئله نك قارشوسنه کچه من . بوکا قارشى مجلس عالیدن تکرار تکرار احترام ایدیورم . عفو عمومی ایله دکلمه باشقه درلو چاره لر دوشونسون بولسونده مملکتی ده بو ایم درددن قورنارسون .

کاطم وهی بك ( ارغنی ) — سوز ایستیورم ؛ رئیس بك !

رئیس — نه یه دائرة سویلیه جکسکیز افندم ؟

عثمان قدری بك ( موش ) دوامله — عدلیه تحقیقات نتیجه سنده ایکی یاشنده کی بر چو جنی اون بش

— ۷۰۳ —

کاظم وہبی بك (ارغنی) بو مسئله به دأر .  
رئیس - عفو عمومی حقنده کی بوتکلیف قانونینک  
شایان مذاکره اولدیغنه دأر لایحه انجمنی قرار ویرمش ،  
مجلسه عرض ایتشدر . عثمان قدری بك ده شایان مذاکره  
اولدیغنه دأر سویلدی . یعنی بونک ایچون مذاکره آچایلم  
دیوروم .

سلیمان سری بك (بوزاق) - مضبطه رایدیلیرسه  
مذاکره آچالم .

اسماعیل جابولت بك (استانبول) - مذاکره  
ضروریدر ، لایحه انجمنک رایدیتیکی برشیئک مذاکره سی  
ضروریدر .

رئیس - فقط مذاکره آچیلماسنه لزوم یوقدر دیهن  
آرقداشلرده وار . بناء علیه مجلس عالی مذاکره یه لزوم  
کورورسه مذاکره آچارز .

فریدون فکری بك (درسم) - احواله یعنی  
مذاکره سنه لزوم کورولدیکی تقدیرده روزنامه یه آلیرز .  
عثمان قدری بك (موش) - چوق رجا ایدرم ،  
روزنامه یه آلتسون !

رئیس - شمدی لایحه انجمنی مضبطه سنی رأی عالیکنزه  
ایده جکم . قبول ایدنلر . . . ( نه به دأر سلسلری )  
بالموم جرائم اربانک عفوی حقنده سعرد مبعوثی خلیل  
خلقی اقتدینک ۳۳۷ نومرولو تکلیف قانونیسی و شایان  
مذاکره اولدیغنه دأر لایحه انجمنی مضبطه سی ؛ بونی رأی  
عالیکنزه وضع ایدیوروم . قبول ایدنلر اللرینی قالدیرسون !  
لایحه انجمنی مضبطه سی قبول ایدلشدر افندم .

۹ - مدافعه مملکت اوغورنده ایقاع ایدلش  
اولان افعال و حرکاتک جرم عد اولمیه جتی حقنده کی  
۱۹ تشرین ثانی ۱۳۳۹ تاریخی قانونک برنجی ماده سنک  
تفسیرینه دأر باش و کالتدن مورود ۳۳۸ نومرولو تذکره  
و عدلیه انجمنی مضبطه سی ؛ روزنامه یه آلیورز .

فریدون فکری بك (درسم) - رئیس بك افندی !  
بو ؛ حقیقه بک مهم بر تفسیردر . قوای ملیه قانونی  
قبول اولندی ، مجلس عالینک مقصدی مجاهده ملیه ده خدمت

ایتمش کی مسهلرک حبسخانه کوشه لر نده ایگله مه منسی تأمین  
ایتمکدر . عدلیه و کالتی بوقانونک بعض ماده لر نده تردد  
ایتمشدر و بوندن دولایی الیوم بر چوق کی مسهلر  
حبسخانه ده بولمقده درلر . نو عما ، - نامشروع محبوسیت  
دیهم - اوکا یاقین بر وضعیت حاصل اولیور . بو مسئله نک  
مستعجلاً تنور ایتسی ایچون انجمنمز مستعجلیت تکلیفی  
درمیان ایتشدر . قبولی رجا ایدرز .

رئیس - مستعجل روزنامه یه می آلتسون افندم ؟  
فریدون فکری بك (درسم) - مستعجل روزنامه یه  
آلتسون افندم ! حتی ، عدلیه و کلبی بك ده بوکون مذاکره سی  
رجا ایدیورلر .

عدلیه و کلبی سید بك - بنده کز بوکون مذاکره سی  
هیئت جلیله دن رجا ایده جکم . ک اول حل اولمسی لازمکن  
بر مسئله در . موقوفله تعاق ایدیور .

احسان بك (آقره) - مسئله نک اهمیتی واردر .  
مستعجل روزنامه یه آلتنه رق طبع ایدلسی و رفقای محترمه یه  
توزیع ایدلسی تکلیف ایدیورم .

رئیس - افندم ! اول امرده مستعجل روزنامه یه  
آلتمنی رأی عالیکنزه وضع ایده جکم . قبول ایدیورسه  
بالطبع جمعه ایرتسی کونی مذاکره اولنه جقدر . اووقته  
قدرطع و توزیع اولتور . قبول ایدنلر لطفأال قالدیرسون !  
عکسینی رأه قویوروم افندم ! قبول ایتمینلر لطفأال اللری  
قالدیرسون ! مستعجل روزنامه یه آلتشدر . احواله جمعه  
ایرتسی کونی مذاکره ایدیله جکدر .

۱۰ - راقی نقلندن محکوم اینه بولیلی بایرام اوغلی  
اسماعیل حقنده اعطا ایدیلن حکمده خطای عدلی و قع  
اولدیغندن عفو صورتیله تلافیسنه دأر باش و کالتدن  
مورود ۳۳۷ نومرولی تذکره و عدلیه انجمنی مضبطه سی ؛  
روزنامه یه آلیورز ،

۱۱ - بعض محللرده حاکم اجتماع تشکیلاتنک اعاده سنه  
وبعض محاکمک لغویینه دأر باش و کالتدن مورود ۳۳۸  
نومرولو قانون لایحه سی و عدلیه انجمنی مضبطه سی ؛  
روزنامه یه آلیورز .

۱۳ - شاه اسماعیل کیفیت قتلندن محکوم عثمان نظاری نمونه مکتبی معلم سابق شوکت امضالی استدعا وتعمین معامله به محل اولدیغه دائر عدلیه انجمنی مضبوطه سی: ریاست جلیله

متارکینی متعاقب بیغا، کونان وسائر محاررده برچوق مظالم و خجایع ارتکاب ایدن آنرا ووره قارشی معندانه و ثباتکارانه مجادله ایدن بیغا دیمتوقسی مدافعه ملیه ریاستنده بولنه رق جانسپارانہ خدماتی مسبوق اولان وبالآخره بیغانک آنرا وور طرفندن اشغالی اوزرینه بیک درلو مشکلاته بلجیوریه استانبوله کلن اسماعیل حق بکک - بالآخره آنرا وورک اتلافی اوزرینه مر قومک آلت خجائی بولونان شاه اسماعیل طرفندن - ۳۳۷ سنه سی نپسانده سرکه جیده آناتولی قراٹخانه سنده قتل ایدلدیکنندن و قاتلک محاکمه سی اتنا سنده مدافعه وکیللری طرفندن ؛ « شاه اسماعیل قتل ایتدیکی کیمسهر اساساً باقوی و اراده پادشاهی قتل و اعداملری جائز اولان قوای ملیه به منسوب اولدقلری جهتله قانلری هدر ایدلمش بر لاشه حکمنده اولدقلرندن فعل و اقلک بر جرم قانونی تشکیل اتمیه جکی و مر قومک اراده پادشاهی به اتباع ایتمکدن بشقه بر شی باعدیغی و محکوم اولسه بیله مملکتک حاکم مطلق اولان پادشاهک عقوبنه مظهر اوله جفی ، مدافعه و مطالعہ سی سرد ایدلدیکی صر ده تحرث ایدن قاریشقلنده شاه اسماعیلک وجودی اتلاف ایدلدیکنندن دولایی مظنوناً ۹ تشرین اول ۳۳۷ تاریخنده توقیف و استانبول جنایت محکمه سنجه درت بچق سنه به محکوم اولدیغندن محثله « قوای ملیه به منسوب مجرمینک عفوی » حقدمه کی تشرین نانی ۳۳۹ تاریخلی قانونه توفیقاً عفوی و حال پریشانیسنه نہایت ویرلمسی استرحامنه دائر مرحوم اسماعیل حق بکک رادری و قاضیکوی عثمان غازی نمونه مکتبی معلم سابق شوکت امضالی استدعا انجمنمزه قرائت و تدقیق اولندی .

سلامت و طی مؤمن رغایه متوجه بولدیغی جهتله مجلس عالیجه قبول اولنان ۲۶ کانون اول ۳۳۹ تاریخلی عفو عمومی قانونک بشنجی ماده سنک فقره نایه سی [ موندروس متارکسنی متعاقب مدافعه و استخلاص وطن اوغرنده کی فعالرندن دولایی استانبول حکومتی زمانده مختلف محاکم و دیوان حربلرجه محکوم و مظنون بولنانلر دخی اشبو عفو عمومیدن مستفید اولورلر ] حکمی موجبنه بوکیبلر حقدنه دوغریدن دوغری به رفع حکم ماهیتنده و جریمیتی سالب عفو عمومی اعلان قیلمش و مستدعینک ده بوماده تک شمولندن استفاده ایده جکی درکار بولمش اولقله تعیین معامله به محل اولدیغی واشبو مضبوطه مجلس عالیجه رهین تصویب اولدیغی حالده اوراقلک مع مضبوطه عدلیه و کالنته ارسالی لزومک هیئت عمومی به عرضی قرار کیر اولدی .

اعضا	کاتب	مضبوطه محرری	عدلیه انجمنی ریسی
بوزاق	درسم	قسطمونی	
احمد حمدی	فریدون فکری	نجم الدین	
اعضا	اعضا	اعضا	
قسطمونی	مرسین		
احمد ماهر	بسم		

رئیس - عدلیه انجمنی مضبوطه سی رأی عالیکنزه وضع ایدیوروم . قبول ایدنلر لطفاً ال قالدیرسون! عکسنی رأه وضع ایدیوروم . قبول ایتمه یئر لطفاً اللرنی قالدیرسون! عدلیه انجمنی مضبوطه سی قبول اولونمشدر اقدیم . مصطفی فیضی اقدی ( قونیه ) - متفقاً !...

تذکره

۱۳ - تقاعد قانونک نشرندن اول ویلیری وفات ایدن مأمورین ملکیه اولادلرندن ، قانونک نشرندن صکره معاش تخصیصی ایچون مراجعت ایدنلر حقدنه نه یولده معامله ایدیله جککک تفسیرینه دائر باش و کالنتندن مورود تذکره ؛ قوانین مالیه انجمنه و بریوروز .

تقریرلر

۱۴ - مکلفین دیونکک تحصیلات دفترلر نده مفر دایله کوسترلمسه دائر بورودور مبعوث حسین باقی بکک تقریرنی ؛ باش و کالته تودیع ایدیوروز .

رئیس — افندم! اساساً نظامنامہ صرک ۸۹ نجی مادہ سی  
موجبنجہ بر دیوان محاسبات انجمنک تشکیلی لارمکلیر.  
بو تقرر دیوان محاسبات انجمنک بر آن اول تشکیلیانی  
تکلیف ای دیور. تقریری رأی عالیکنزه وضع ایده حکم.  
وهی بک ( قره سی ) — مادام کہ نظامنامہ داخلیدہ  
مصر حدر. رأیہ قونماز افندم. بر آن اول دیوان محاسبات  
انجمنی شکل ایتم ن!

رئیس — بناءً علیہ شعبہ لردن رجا ایده جکیز، دیوان  
محاسبات انجمنہ لازمکان اعضا لاری انتخاب ایسونلر!  
۱۶ — پلامو طلق — ایلیجه الکتربکلی ده قوویل  
خطی امتیاز اورا قنک مجلسه جلی حقنده قره سی مبعونی  
وهی بک تقریری وار، او قونہ حق:

ریاست حلیلیه

پلامو طلق — ایلیجه الکتربکلی ده قوویل خطی امتیاز  
اورا قنک مجلس عالی به جلی تکلیف ایلم.

قره سی

محمد وهی

محمد وهی بک ( قره سی ) افندم! دونکی جلسہ ده  
مسموع عالیبری اولدی. بو کونکی ضبطلر دهده بر جوق  
آرقدا شلرک منظور عالیبری اولمشدر. پلامو طلقدن ایلیجه  
اسکله سنه قدر — که بزم بیلدیکنز بولہ — وکیل بک  
افندی آقچه اسکله سنه دیورلرکه آرمسنده فرق واردر.  
یکرمی سکیز کیلومتر وشوشه اوزرینه که خلقک دوغریدن  
دوغری به یامش اولدینی و اداره خصوصیه عائد اولان  
شوشه اوزرینه ده قوویل خطی قونیور. بناءً علیہ اموال  
حکومتدن هر هانکی بر قومپایا و شرکت استفاده ای دیور.  
بوکا مقابل محلنک هیچ بر استفاده سی اولیور و حتی رأی  
و مطالعه سی دخی آلیور. بو، بالطبع الده موجود  
قانون موجبنجہ مجلس عالیجه تدقیق ابدنک ایجاب ایدر که —  
بونک تدقیق نتیجه سنده هم محلنک، هم ملنک حقوق  
تأمین ایدلش اولور — بنده کنز بونی رجا ای دیورم. جلب  
ایدلسون، نافعہ انجمننه نودیعی ایدلون، اصول دائره سنیده  
تدقیق ایدلسون!

۱۵ — دیوان محاسباتک هر اوج آیدہ ر تنظیم  
ایده جکی راپورلری تدقیق ایتمک اوزره نظامنامہ داخلینک  
۸۹ نجی مادہ سی موجبنجہ تشکیلی لازم کان دیوان محاسبات  
انجمنک تشکیل و بو باده کی راپورلری تدقیق وهیئت  
عمومیه بیلدی رلیسی حقنده دکزلی مبعونی مظهر مفید  
بکک تقریری: او قیورز افندم.

ریاست حلیلیه

دیوان محاسباتک صرفیات و تعهداتده مطلع اوله جنی  
یولسز لقلر حقنده هر اوج آیدہ بر، راپور تنظیمی ایله  
مجلس عالی به عرض معلومات ایلمی اصول محاسبات عمومیه  
قانوننک یکرمی اوجنجی مادہ سی ایجابندن اولدیغندن  
دیوان محاسبات فعالیتته کیردیکی حزران، تموز، آغستوس  
۳۳۹ آیلرینه عائد یولسز صرفیات و سائرہ حقنده کی برنجی  
راپوری تنظیم و تقدیم ایلدیکنی — انتخاب ایتمم. دولنک  
امور مهمه مالیه سنه عائد اولان و بالخاصه یولسز صرفیات  
و تعهدات حقنده کی معلومات و استطلاعاتی جامع بولنان  
بوراپورلرک اهمیت درکاردر. نظامنامہ داخلینک سکسان  
طقوزنجی مادہ سی بو اهمیتی نظر دقنه آلهرق، مذکور  
ماده ده کرک محاسبه قطعیه قانون لایحه سی کر کسه صرفیات  
و تعهدات حقنده هر اوج آیدہ بر دیوان محاسبات طرفندن  
تنظیم اوله جق راپورلری تدقیق ایله، نتیجه تدقیقاتی  
مبین یاپیله حق مضبوطه طبع اوله جق مبعونانه توزیع  
ایدیله جکی بونک ایچون هر شعبه دن انتخاب اولنق اوزره  
بش کشیک بر دیوان محاسبات انجمنی تشکیل قلمنه جنی  
مصر ح بولندیغندن سالف العرض یولسز صرفیات و تعهدات  
و سائرہ حقنده کی دیوان محاسبات راپورلرینک تدقیق  
و نتیجه سنک با مضبوطه مجلسه بیلدی رلیسی ضمنده عرض  
ایلدیکم ماده مخصوصه احکامنه توفیقاً در حال بر دیوان  
محاسبات انجمنک تشکیلی عرض و بو صورتله مواد قانونیه  
و نظامیه احکامنک اهمیتله نظر دقنه آلهرق ایجابانه توسل  
قلمسنی رجا و تکلیف ایلم.

دکزلی

مظهر مفید



عائیلرینہ نظامیہ قطعانندہ کی شہید و معلولر حقندہ کی قوانین و نظاماتک تطبیقنہ متدار قانونی ایکنجی دفعہ رأی عالیلرینہ وضع ایده حکم . قانونی قبول ایدنلر بیاض ، رد ایدنلر قیرمزئی رأی پوصلهسی وبره جکاردر .

احسان حامد بک ( ارغنی ) — یوقلمہ اصولیہ یاپیلہسی قرار کیر اولمشدی . لفظاً یوقلمہ ایله اولسون رئیس — پکی اقدم ! یوقلمہ ایله یاپیلہ جقدر .

هنوز رأی استعمال ایتمه مش رفا وارسه لفظاً رأیلرینی استعمال بوورسونلر ! استحصالی آرا معاملہسی ختام بولمشدر . نتیجہ آرابی عرض ایدیهرم . رأیہ اشتراک

ایدن اعضاتک عددی ( ۱۵۶ ) در . ۱۲۹ رأی قبول ، ۳ رد ، ۱ مستنکف وارد . بناء علیہ قانون ، ۱۴۹ رأی ایله اکثریتله قبول ایدلشدر . آرا استحصالندن

صوکره رأی ویرن اوچ ذاتک رأیلری ده اخراج ایدلشدر . اقدم ! لیلہ! رغائب مناسبتیلہ جمعہ ایرتسی کونی ساعت برحقندہ اجتماع ایتمک اوزره جلسہ بی تعطیل ایدیورم .

ختم مذاکرات

دقیقه ۱۵  
ساعت ۳

سلیمان سری بک ( بوزاق ) — نافعہ و اقتصاد انجمنلرینہ . .

وهی بک ( دوامله ) — اوت؛ نافعہ و اقتصاد انجمنلرینہ حواله ایدیله رک موجود قانون داخاندہ تدقیق ایلمسئی طلب ایدرم .

رئیس — اقدم ! وهی بک تقریرنی رأی عالیلرینہ وضع ایدیورم . قبول ایدنلر لفظاً ان قالدیرسون ! عکسئی رأیہ نوئیورم ، قبول ایتمه یئلر لفظاً ان قالدیرسون ! تقریر ، قبول ایدلشدر .


۱۷ — منع مسکرات قانونی موجبنجه تورکیه خارجه . .

سلیمان سری بک ( بوزاق ) — رئیس بک ! اوماده مکرردر . بوقاریده اوچنجی ماده نک عینیدر . ( یوقاریده کی تکلیف قانونیدر سسلری )

رئیس — منع مسکرات قانونی موجبنجه تورکیه خارجه چیقارلق اوزره ادخار ایلمش اولان مسکرات وشرابلرک تأخیر اعحاسی حقندہ ادرنه مبعوثی فائق بک ورفقاسنک تقریری وار . باش وکالته حواله ایدیورم .

رای استحصالی

۱۸ — ملی مجاهدانده شهید اولان ملی افراد وضابطان



ملی مجاهدانده شهید اولان ملی افراد وضابطان عائیلرینہ نظامیہ قطعانندہ کی شہید و معلولر حقندہ کی قوانین و نظاماتک تطبیقنہ متدار قانون حقندہ ایکنجی دفعہ استحصالی ایدلین رأیلرک نتیجہسی

- ۱۵۶ : رأیہ اشتراک ایدنلر
- ۱۴۹ : قبول ایدنلر
- ۳ : رد ایدنلر
- ۱ : مستنکفلر

قبول ایدنلر

آرتون	: حامی بک	آیدین	: تحسین بک
آردهان	: خالدپاشا ، طلعت بک	ادرنه	: حسین رفیق بک
آطنه	: کمال بک	اردو	: حمدی بک ، خلیل بک ، اسماعیل بک ، رجائی بک
آقسرائ	: بسیم آتالای بک ، نشأت بک	ارضروم	: حالت بک
آماسیه	: نافذ بک ، علی رضا افندی ، اسمعبدک	ارغنی	: احسان حامد بک ، کاظم بک
آنطایه	: احمد ساقی بک	ازمیر	: سید بک ، محمود جلال بک ، عثمان زاده
آنقره	: احسان بک ، شا کر بک		: حمدی بک ، رحیمی بک


اورفہ	: علی بک ، یحیی کمال بک	سیواس	: خاص طورغود بک ، ضیا بک
ایزیت	: مصطفی ذکی بک، ابراہیم ثریا بک ، مصطفی بک	طربزون	: احمد مختار بک
العزیز	: صفت بک ، ابراہیم بک، شکری بک	غازی ہیئت	: علی جناتی بک، قلنج علی بک، حافظ شاہین افندی،
اسپارطہ	: حسین بک ، محی الدین بک ، مصطفی بک	قرق کلیسا	: دوکتور فؤاد بک
	: حسین حسنی افندی، حافظ ابراہیم افندی ،	قرہ سی	: احمد ثریا بک، وہبی بک ، علی شعوری بک، حیدر عادل بک
	مکرم بک		
استانبول	: اسماعیل جانبولات بک، حمد اللہ صبیحی بک، فتحی بک،	قرہ حصار شرق	: اسماعیل بک ، علی سروری افندی
	آچقورہ اوغلی یوسف بک ، حمدی بک ، حسین	قرہ حصار صاحب	: روشن اشرف بک ، علی بک ، موسی کاظم بک، عزت ہاوی بک
	روڈ بک		
اسکیڈہر	: امین بک	قسطمونی	: خالد بک ، علی رضا بک ، نجم الدین ملا بک ، حسن فہمی افندی ، احمد ماہر افندی
بارطغرل	: خلیل بک ، راسم بک ، دوکتور فیکرت بک، احمد بک	قوزان	: علی صائب بک ، علی شادی بک
		قویہ	: موسی کاظم افندی ، مصطفی افندی ، نعیم حازم افندی
بایزید	: سلیمان سودی بک ، شفیق بک	قیصری	: ثابت بک
بروسہ	: رأفت بک، نجاتی بک ، مصطفی فہمی افندی	قیرشہر	: یحیی غالب بک ، محبوب افندی
بوردر	: حسین باقی بک	کلیبولی	: جلال نوری بک
بوزاق	: سلیمان سری بک ، حمدی بک	کوشخانہ	: حسن فہمی بک ، ویسل رضا بک
بولی	: فالخرقی بک، شکری بک، امین جمال بک ، جواد عباس بک	کنفری	: ضیا بک ، رفعت بک
		کوٹاہیہ	: راغب بک ، نوری بک ، رجب بک
بیضا	: محمد بک ، شکری بک	کیرہسون	: شوکت افندی ، طاہر افندی ، کاظم بک ، حاجم محی الدین بک
تکفورطاغی	: جمیل بک	ماردیش	: یعقوب قدری بک، نجیب بک، عبدالرزاق چلبی افندی، درویش بک ، عبدالغنی بک
توقاد	: مصطفی بک	مرسین	: بسیم بک
جانیک	: سلیمان نجفی بک ، جاوید پاشا	مرعش	: حاجی محمد افندی، مدحت بک ، تحسین بک
جیل برکت	: عوفی بک	ملاطیہ	: دوکتور محمد حلمی بک
چوروم	: فرید بک، عصمت بک ، دوکتور مصطفی بک ، اسماعیل کمال بک	منتشا	: یونس نادی بک ، اسعد افندی
		موش	: عثمان قدری بک، حاجی الیاس ساسی افندی ، علی رضا بک
حکاری	: نظمی بک	نیکدہ	: غالب بک
درسم	: احمد شکری بک، فریدون فکری بک	وان	: منیب بک ، حق بک ، ابراہیم بک
دکزیلی	: مظہر مفید بک ، نجیب علی بک		
دیاربکر	: زلفی بک ، محمد بک		
ویزہ	: اکرم بک، علی بک ، اسعد بک ، روڈ بک		
زونفولداق	: خلیل بک ، یوسف ضیا بک ، راغب بک		
سمرد	: محمود بک ، خلیل خانی افندی		

ردایدنلر

ارضروم	: حازم افندی	قویہ	: مصطفی فیضی افندی
قسطمونی	: محمد بک		

مستکفیلر

ارضروم	: ضیا بک
--------	----------



تصحیحچلر

صحیفہ	ستون	سطر	یا ککش	دوغری
۵۶۱	۲	۱۱	بیاننامہ لزلہ بونلرک	بیاننامہ لزلہ
۵۶۹	۲	۱۳	فیری	بونلرک غیری
۵۶۷	۲	۵	ومأمورلری ، یوقسہ	ومأمورلری یوقسہ